



Ungdomslaget satsar meir på Fjelly.

Uskedalen ungdomslag skal ha årsmøtet sitt søndag kveld og då vil både opprusting av kjøkenet i Helgheim og av hytta Fjelly ved Mannsvatnet vera aktuelle programpostar.

Målsetjinga for hyttesatsinga er auka utleige for ein rimeleg sum til alle som ynskjer det, understrekar hyttestyret..

Det som skal skje i år er mellom anna maling på dugnad i tillegg til den generelle opprustinga.

Men leigeinntektene til hytta er 4.000 kroner og det er ikkje nok til å sikra vedlikehaldet. Difor har styret søkt kommunen om midlar til føremålet slik at hytta kan haldast i god stand..

Det skal til sommaren arrangerast overnattingsturar for born i alderen 7-12 med ulike aktivitetar som gjer at borna får gode relasjonar til området og aktivitetar utandørs.

Ein kan også tenkja seg ymse arrangement for å få folk til å oppleve den storslåtte naturen, til dømes kafe.

Fjelly, som vart bygd i 1917, har vore restaurert og pussa opp på dugnad fleire gongar. Ho har sengjeplass for 14 og ein kan nytta båt på vatnet. Fiskemoglegheitane er gode.

Av Ola Matti Mathisen